

皇清經解續編卷九百九十四

南菁書院

穀梁大義述六

丹徒柳興恩賓叔著

述禮

隱公

禮贈人之母則可贈人之妾則不可

贈者何也乘馬曰贈衣

衾曰禭貝玉曰含錢財曰賻

元年三年傳歸死者曰賻歸生者曰賻

述曰白虎通卷四下贈禭何謂也贈之爲言稱也玩好曰贈

禭之爲言遺也衣被曰禭知死者則贈禭所以助生送死追

恩重終副至意也賻贈者何謂也賻者助也贈者覆也所以

相助給不足也故弔詞曰知生則賻贈知死則贈禭

又所以有飯哈何緣生食今死不欲虛其口故哈用珠寶物何

也
也有益死者形體故天子飯以玉諸侯以珠大夫以璧士以貝

劉向說苑古者吉行五十里奔喪百里贈贈及事之謂時時
禮之大者也春秋曰天王使宰咺來歸惠公仲子之贈贈者
何喪事有贈者蓋以乘馬束帛輿馬曰贈貨財曰贈衣被曰
襚口實曰含玩好曰贈知生者贈贈知死者贈襚

今案此與三年傳說

異小贈襚所以送死也贈贈所以佐生也輿馬束帛貨財衣被

玩好其數奈何曰天子乘馬六匹諸侯四匹大夫三匹元士
二匹下士一匹天子束帛五匹元士三匹二匹五十尺諸侯元
三纁二各三十尺大夫元一纁二各三十尺元士元一纁一
各二丈下士綵纁各一匹庶人布帛各一匹天子之贈乘馬

六匹乘車諸侯四匹乘輿大夫曰參輿元士下士不用輿天子文繡衣各一襲到地諸侯覆跗大夫到踝士到髀天子含實以珠諸侯以玉大夫以璣士以貝庶人以穀實位尊德厚及親者賻賵含襚厚貧富亦有差二三四五之數取之天地而制奇偶度之人情而出節文謂之有因禮之大宗也

劉向穀梁

家其說自本之傳義見修文篇

說文解字賻賵俱在徐鉉新附

聘弓鏃矢不出竟場束脩之肉不行竟中有至尊者不貳之也

述曰後漢書第五倫傳肅宗初立上疏云傳曰大夫無境外

之交束脩之饋

穀梁傳之文也束帛也脩脯也饋遺也

禮婦人謂嫁曰歸反曰來歸從人者也婦人在家制於父既嫁

制於夫夫死從長子

二年從當依說文作从

述曰禮郊特牲婦人從人者也幼從父兄嫁從夫夫死從子

劉向列女傳

卷一母儀

母師者魯九子之寡母也臘日休作者歲

祀禮事畢悉召諸子謂曰婦人之義非有大故不出夫家然

吾父母家多幼稚歲時禮不理吾從汝謁往監之諸子皆頓

首許諾又召諸婦曰婦人有三從之義而無專制之行少繫

父母長繫於夫老繫於子今諸子許我歸視私家雖踰正禮

願與少子俱以備婦人出入之制

又孟母曰婦人無擅制之義而有三從之道也故年少則從

乎父母出嫁則從乎夫夫死則從乎子禮也

於天子之崩爲魯主

三年

述曰范注周禮大行人職若有大喪則詔相諸侯之禮然則尹氏時在職而詔魯人之弔者今案此說非也詔弔非爲主之謂爲主亦不止於詔弔孟子萬章篇吾聞觀近臣以其所爲主觀遠臣以其所主定六年左氏傳陳寅謂樂祁曰昔吾主范氏今子主趙氏以歷聘例入主則知爲主之有恩矣

禮尊不親小事卑不尸大功

五年

述曰

闕

禮庶子爲君爲其母築宮使公子主其祭也於子祭於孫止

五年

述曰喪服小記妾耐於妾祖姑亡則中一以上而耐耐必以其昭穆孔疏妾耐於妾祖姑者言妾死亦耐夫祖之妾也亡則中一以上而耐者亡無也中間也若夫祖無妾則又間曾

祖而祔高祖之妾也祔必以其昭穆者解所以祖無妾不祔
曾祖而祔高祖之義也凡祔必使昭穆同曾祖非夫同列也
然此下云妾母不世祭於孫否則妾無廟

傳云妾子爲君得爲其母築宮使公

子主其祭可補禮經之缺

今乃云祔及高祖者當爲壇祔之耳匡衡告毀

廟曰孝莫大於嚴父故父之所尊子不可以不承父之所異
子不敢同禮公子不得爲母信爲後則於子祭於孫止尊祖

嚴父之義

漢書韋賢傳

冊府元龜宋臧燾初仕晉孝武太元中爲國學助教孝武追

崇庶祖母宣太后議者或謂宜配食中宗燾議曰陽秋

晉避鄭太

后諱春爲陽

之義母以子貴故仲子成風咸稱夫人經言考仲子

之宮若配食於廟則宮無緣別築謂宜遠準陽秋考宮之義

尊號既正則罔極之情申別建寢廟則嚴稱之義顯繫子爲

稱兼明母貴之所由一舉而允三義固哲王之高致也議者

從之

原文並引漢制今截去未錄此用公羊說亦可引證穀梁

宋書禮志虞歛議以爲春

秋之義庶母雖名同崇號而實異正適是以猶考別宮而公

子主其祀

歛則說本穀梁

舞夏天子八佾諸公六佾諸侯四佾尸子曰舞夏自天子至

諸侯皆八佾

引尸子者博異說也

述曰白虎通天子八佾諸侯四佾所以別尊卑也樂者陽也

故以陰數法八風六律四時也八風六律者天氣也助天地

成萬物者也亦猶樂所以順氣變化萬民成其性命也故春

秋公羊傳曰天子八佾諸公六佾諸侯四佾詩傳曰大夫士

琴瑟御八佾者何謂也佾者列也以八人爲行列八八六十

四人也諸公六六爲行諸侯四四爲行

蔡邕月令章句天子省風以作樂舞所以

節八音而行八風天子八佾諸侯六佾大夫四佾佾列也每佾八人每服冕而執戚此說與白虎通異故亦博引之也

伐不踰時戰不逐奔誅不填服

六年

述曰白虎通古者師出不踰時者爲怨思也天道一時生一

時養人者天之貴物也踰時則內有怨女外有曠夫詩云昔

我往矣楊柳依依今我來思雨雪霏霏春秋曰宋人取長葛

傳曰外取邑不書此何以書久也

諸侯之尊弟兄不得以屬通

七年

述曰白虎通始封之君不臣諸父兄弟何不忍以己一日之

功德加於諸父兄弟也故禮服傳曰封君之子不臣諸父封

君之孫盡臣之

誥誓不及五帝盟詛不及三王交質子不及二伯

八年

述曰五經異義禮約盟不令春秋公羊說古者不盟結言而退故穀梁傳云誥誓不及五帝盟詛不及三王交質子不及二伯且盟非禮故春秋左氏云周禮有司盟之官殺牲歃血所以盟事神明又云凡國有疑盟詛其不信者是知於禮得盟許君謹案從左氏說以太平之時有盟詛之禮鄭氏不駁從許慎義也

曲禮下正義

今案鄭氏不駁者以三王太平之時雖

備盟詛之禮而不用也左氏仍與穀梁說同

桓公

許田者魯朝宿之邑也邠者鄭伯之所受命而祭泰山之邑也

元年

述曰異義公羊說諸侯朝天子天子之郊皆有朝宿之邑從泰山之下皆有湯沐之邑左氏說諸侯有功德於王室京師有朝宿之邑泰山有湯沐之邑魯周公之後鄭宣王母弟此皆有湯沐邑其餘則否許慎謹案京師之地皆有朝宿邑周千八百諸侯盡京師地不能容之不合事理之宜是許慎不從公羊之說鄭無駁當從許說

王制正義

禮送女父不下堂母不出祭門諸母兄弟不出闕門父戒之曰謹慎從爾舅之言母戒之曰謹慎從爾姑之言諸母般申之曰謹慎從爾父母之言

三年

述曰白虎通遣女於禰廟者重先人之遺體不敢自專故告

禍也父母親戒女何親親之至也父曰誠之敬之夙夜無違

命女必有繡衣若笄之

此九字文義不屬疑脫誤御覽無

母施衿結帨曰

勉之敬之夙夜無違宮事父誠於阼階母誠於西階庶母及

門內施鞶申之以父母之命命之曰敬恭聽爾父母之言夙

夜無愆視諸衿鞶去不辭誠不諾者蓋恥之重去也

此已下舊本舛

誤特甚今悉以禮經禮記訂正

劉向列女傳

卷四貞順

齊孝孟姬孝公親迎於華氏之室父母送

孟姬不下堂母醺房之中結其衿縢誠之曰必敬必戒無違

宮事父誠之東階之上曰必夙興夜寐無違命其有大妨於

王命者亦勿從也諸母誠之兩階之間曰敬之敬之必終父

母之命夙夜無怠爾之衿縢父母之言謂何姑姊妹誠之門

內曰夙夜無愆爾之衿鞶無忝父母之言

子貢曰冕而親迎不已重乎孔子曰合二姓之好以繼萬世之後何謂已重乎

述曰

闕

春曰田夏曰苗秋曰蒐冬曰狩四時之田用三焉唯其所先得一爲乾豆二爲賓客三爲充君之庖

四年

述曰白虎通王者諸侯所以田獵者何爲田

一作苗

除害上以

共宗廟下以簡集士眾也春謂之田何春歲之本舉本名而言之也夏謂之苗何擇去其懷任者也秋謂之蒐何蒐索肥者也冬謂之狩何守地而取之也四時之田總名爲田何爲

田除害也春秋穀梁傳曰春曰田夏曰苗秋曰蒐冬曰狩

左氏

傳隱五年正義 御覽八百三十二卷

御

說苑天子諸侯無事則歲三田一爲

乾豆二爲賓客三爲充君之庖

修文篇禮王制篇文同

天子親耕以供粢盛王后親蠶以共祭服

十有四年

述曰白虎通天子親耕以供郊廟之祭王后親桑以供祭服

祭義曰天子三推三公五推卿大夫士七推耕於東郊何東

方少陽農事始起桑於西郊何西方少陰女功所成故曾子

問曰天子耕東田而三反之周官曰后親桑率外內命婦蠶

於北郊

莊公

主王姬者必自公門出

元年

述曰白虎通王者嫁女必使同姓諸侯主之何昏禮貴和不

可相答爲傷君臣之義亦欲使女不以天子尊乘諸侯也春秋傳曰天子嫁女于諸侯必使諸侯同姓者主之諸侯嫁女于大夫使大夫同姓者主之必使同姓者以其同宗共祖可以主親也故使攝父事不使同姓卿主之者何尊加諸侯爲威厭不得舒也不使同姓諸侯就京師主之何諸侯親迎入京師當朝天子爲禮不兼春秋傳曰築王姬觀於外明不往京師也所以必更築觀者何尊之也不於路寢路寢本所以行政處非婦人之居也小寢則嫌羣公子之舍則已卑矣故必改築於城郭之內傳曰築之禮也于外非禮也

禮有受命無來錫命錫命非正也生服之死行之禮也生不服

死追錫之不正甚矣

元年

述曰白虎通大夫功成未封而死不得追爵賜之者以其未

當股肱也

盧文弨云疑當作以其生未嘗服死亦不當服也

春秋穀梁傳曰追錫死

者非禮也

盧云通典載許慎五經異義云春秋公羊穀梁說王使榮叔錫魯桓公命追錫死者非禮也死者有

功可追而錫如有罪又可追而刑邪然則此所引者穀梁說也

今案以大夫例諸侯有功者

尙不得追錫況魯桓躬弑其君邪故傳云不正甚矣

白虎通又云世

子三年喪畢上受爵命於天子何明爵者天子之所有臣無自爵之義童子當受爵命者使大夫就其國命之明王者不與童子爲禮也世子上受爵命衣士服何謙不敢自專也故詩曰韎韐有奭謂世子始行也據此是禮有受命也

婦人旣嫁不踰竟

二年

劉向列女傳

卷一母儀

孟母曰夫婦人之禮精五飭羣酒漿養舅

姑縫衣裳而已矣故有閨內之修而無境外之志

改葬之禮總舉下緬也

三年

述曰喪服改葬總注謂墳墓以他故崩壞將亡失尸柩者也
言改葬者明棺物毀敗故設之如葬時也其奠如大斂從廟
之廟從墓之墓禮宜同也服總者臣爲君也子爲父也妻爲
夫也必服總者親見尸柩不可以無服總三月而除之

出曰治兵習戰也入曰振旅習戰也

八年

述曰爾雅

釋天

出爲治兵尙威武也入爲振旅反尊卑也

天子朝日諸侯朝朔

十有八年

述曰禮記

玉藻

天子立端

鄭注端當爲冕

而朝日於東門之外諸侯皮

弁以聽朔於太廟

晉書

禮志

禮春分祀朝日於東秋分祀

夕月於西漢武帝郊泰畤平旦出行宮東向揖日其夕西向

揖月既郊日月又不在東西郊也其後旦夕常拜

興恩案此有合於穀

梁之義以朝日見日食惟常拜乃見
之若拘春分之期何由見日食乎故魏文帝詔曰漢氏不

拜日於東郊而旦夕常於殿下東西拜日月煩褻似家人之
事非事天神之道也

禮有納采有問名有納徵有告期

二十有二年

述曰白虎通納采問名納吉請期親迎以鴈爲贄納徵用玄
纁故不用鴈也 納徵辭曰吾子有嘉命貺室某也某有先

人之禮離皮束帛使某也請納徵上某也壻名也下某者壻

父名也

此七字舊本脫今補

下次某者使人名也女之父曰吾子順先

典貺某重禮某不敢辭敢不承命納采辭曰吾子有惠貺室
某也某有先人之禮使某也請納采對曰某之子蠢愚又不
能教吾子命之某不敢辭